

PREMIOS EXTRAORDINARIOS FP

Cales son os requisitos para poder participar?

Poderá optar aos premios extraordinarios de formación profesional de grao superior o alumnado que cumpra os seguintes requisitos:

- Ter cursado estudos de formación profesional de grao superior durante o curso 2020/21** nalgún centro educativo da Comunidade Autónoma de Galicia, ben na modalidade presencial ben na modalidade a distancia, **e ter rematado os seus estudos no ano 2021.**
- Ter obtido unha cualificación final do ciclo formativo igual ou superior a 8,50**, nos termos establecidos no artigo 50 do Decreto 114/2010, do 1 de xullo, polo que se establece a ordenación xeral da formación profesional do sistema educativo de Galicia.
- Non ter a condición de persoal docente que desenvolva ou desenvolvese a súa actividade laboral na Consellería de Cultura, Educación e Universidade nos tres anos anteriores a esta convocatoria.

Como me podo inscribir?

As solicitudes de participación presentaranse obrigatoriamente por medios electrónicos a través do formulario normalizado dispoñible na aplicación informática <<PremiosEdu>> (<https://www.edu.xunta.gal/premiosedu/>) accesible desde a sede electrónica da Xunta de Galicia (<https://sede.xunta.gal>), ou directamente desde a propia aplicación <<PremiosEdu>>.

Para a presentación electrónica poderase empregar calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario e clave Chave365 (<https://sede.xunta.gal/chave365>).

Unha vez formalizada a solicitude, deberaa asinar a persoa interesada con calquera dos sistemas de sinatura admitidos pola sede electrónica e enviada polo procedemento electrónico establecido; quedará así presentada para todos os efectos. Non se terán en conta aquelas solicitudes cubertas por vía telemática que non completen o proceso de presentación establecido e obteñan o xustificante de solicitude, que deberá conservar a persoa solicitante para acreditar, no caso de que resulte necesario, a presentación de súa solicitude no prazo e na forma establecidos.

En caso de dúbida, dificultades técnicas ou necesidade de máis información durante o proceso de obtención dos formularios, poderanse dirixir ao teléfono de información 012 ou ao enderezo electrónico 012@xunta.gal

Prazos para inscribirme?

O prazo de presentación de solicitudes será ata o 21 de abril.

Que documentación teño que achegar?

1. As persoas interesadas deberán achegar coa solicitude a seguinte documentación:

- a) Listaxe dos méritos que se desexen alegar relacionados co título de técnico ou técnica superior de formación profesional, de acordo co previsto no artigo 12.1.b) desta convocatoria e segundo o modelo do anexo II.
- b) Documentación xustificativa dos méritos, onde consten expresamente o número de horas de duración da actividade, a data de inicio, a data de finalización e o organismo que convoca.
- c) Acreditación da representación por calquera medio válido en dereito no caso de actuar por medio de representante.

A documentación complementaria deberase presentar electronicamente.

Que criterios se terán en conta para outorgar os premios?

Os premios concederanse en réxime de concorrencia competitiva. Na valoración final, o xurado terá en conta os seguintes méritos:

- a) A cualificación final do ciclo formativo polo que se opta ao premio extraordinario valorarase de 0 a 6 puntos e outorgaranse 0,04 puntos por cada centésima que supere o 8,50.
- b) Méritos relacionados co título de técnico ou técnica superior de formación profesional que se relacionan no anexo V desta convocatoria.

Convocatoria completa:

https://www.xunta.gal/dog/Publicados/2022/20220321/AnuncioG0598-090322-0001_gl.html